

新平縣鄉土志

地610.127
539.1



新平縣鄉土志

民國三年改稱尉犁縣




新平縣偏在省城西南隅相距一千三百一十里緯綫自七十六度起至八十八度止經綫自北京偏三十六度起至四十四度止向稱羅布淖爾即蒲昌海古沮末地周秦以上僻在荒服無所紀聞漢武帝使貳師將軍李廣利開通西域後張騫窮河源出墩煌玉門陽關道經蒲昌以達于闐華人始有歷其地者後班超為都護控制三十六國戊己校尉鎮樓蘭時為折摩馱那國自後城郭荒蕪興滅無常其事畧不具隋唐之際西突厥滅烏孫蓋據南北兩路蒲昌臣屬焉唐開元中西突厥滅盡為回紇自後訖元明蒲昌無所統屬皇朝咸豐同治間魯克沁回王責貢賦於其地而控制之同治二年回逆叛亂南路八城均連遭蹂躪十二年左右文襄駐肅州劉襄勤率部勘定烏垣踰達坂追白彥虎攘安集延底定喀什八城而英俄遊歷往來南疆者絡繹羅布淖爾十一年劉襄勤撫新疆魏午帥為總藩於各城辦理

善後知州黃率准設局於蒲昌經營未久知縣李時熙
同知沈先銜相繼踵辦又以今巴里坤鎮易盛富提督
喻先達先後率勇屯戍築城浚隍即今之蒲昌城也二
十二年置遊擊黃桂芳以官其地招徠撫輯總其成於
喀喇峽同知江安插西寧撫回於英格可力及孔雀河
不久回盡逃光緒二十五年置新平縣設知縣典史駐
防千總於哈拉洪距蒲昌六百餘里仍以遊擊戍蒲昌
城分卡克里克設縣丞治之二十八年升喀喇峽為馬

耆府改卡克里克縣丞為令置塔羌縣析新平夜密蘇
莊隸之通隸於焉耆二十九年裁千總移蒲昌營遊擊
駐防新平今履址以夜密蘇河中心為界幅員遼闊昔
分東西中三段北接魯克沁鄯善南抵大戈壁西北毗
連庫車東南接壤于闐焉耆附其北塔羌翼其東西隣
輪台廣一千六百餘里袤一千一百餘里其地高者多
沙礫低者多沮洳天氣溫煖冬少霜雪春夏多烈風東
南之民事稼穡西北之民資畜牧除割隸庫車塔羌各

莊現存十八莊大者數十戶小者或二三十戶或十數
戶不等風氣純樸鄉少遊惰十年生聚十年教訓可與
各城侔也治無城郭凡六里



歷史

本境光緒二十五年置新平縣未置以前唐虞三代時隸在荒服無統屬春秋戰國亦係荒服漢惠帝時為前五庭役屬 為沮末地漢武帝使貳師將軍李廣利通西域曾經其地東漢和帝時屬鄯善假司馬班超斬北匈奴使於鄯善即為折摩馱那國後城郭荒蕪淪為異域由此入于闐光緒十八年委員施再萌洋員林之美查礦務曾于土中掘得古式銅錢並石磨石碾等類元明為羅布淖爾蒙古謂聚滙為羅布淖爾為海蓋謂聚水總滙之區光緒二十五年屬喀喇沙爾廳二十八年喀喇沙爾廳升焉耆府仍屬焉耆府

政績

查新平鹹鹵充斥地瘠民貧利非急切可興至於去害民皆守分官都畏法地方尚無害政民間詞訟甚少或有亦不過口角細故隨時開導了結興利除害均無可

紀茲將設縣以來官師紀錄

知縣陳廷燦光緒二十五年七月二十日到任湖南湘陰人到任縣經初設事皆創始勤勤懇懇民猶稱之

劉國祉光緒二十七年四月初二日到任湖南湘鄉人任任修蓋克宜爾官店治前官店以棲行旅民皆德之

湯念慈光緒二十八年六月十一日到任代理四川人

夏朝選光緒二十八年八月初八日到任湖北黃陂人

章守銘光緒二十九年九月初二日到任湖南善化人

甘象乾光緒三十一年三月二十七日到任湖南長沙人

周芳煦光緒三十二年十月初八日到任湖南湘鄉人

典史蔣元善光緒二十五年八月十五日到任

楊汝霖光緒二十七年四月初二日到任

李繼善光緒二十八年九月十三日到任

王鴻業光緒三十年二月初二日到任

甘榮冕光緒三十三年四月十三日到任

遊擊黃桂芳光緒二十五年八月二十日到任江南揚州人種樹開渠兼種菓木遠道移來雖鹹地難活民猶道云

歐陽福光緒二十六年十一月十七日到任兼護湖南湘鄉人

張春林光緒二十七年十一月十六日到任湖北黃陂人

劉永福光緒三十二年十二月二十日到任甘肅狄道

人 按遊擊前駐蒲昌今改駐縣治

千總歐陽福光緒二十五年八月二十日到任湖南湘鄉人

劉臣卿光緒二十七年十二月十六日到任湖南湘鄉人三十一年二月初一日裁撤

兵事

查兵事本境並無叛黨他境亦無叛黨來犯亦未之境為戰地本境亦無險可守

者舊

年高黃耆深於回教經典幽妙元微難得

名宦鄉賢忠孝節義祠

無

人類

纏回一種散居各莊均係土生土長南疆纏回三世以上即數典忘祖其本末世系源流無可考風俗禁食豬肉每日五次禮拜高聲朗誦男阿訇頭目人等以白布裹頭女以白布自頸及背滿披於後生子十餘載即分居不相顧夫婦一言不合即反目名曰揚掉男自尋妻女自招夫朋友一分之故動致爭鬪毆殺惟聽阿訇之言餘一切別教均不能炫其心

戶口

五百一十有七戶

現增至一千有零

男大小二千五百八十口女二千三百四十有五口

宗教

天方一教自陳宣帝大建年間摩哈麥德創立回教倡

行西域現在纏民實宗其教其餘有資業者多往麥地
拿於摩哈麥德基上膜拜謂之朝山還家曰阿吉漢語
善人也人皆尊禮之天主耶穌紅黃等教均無

實業

士彼教所謂士非吾人所謂士也教不同文不可考究
現在一麻目毛拉阿訇均係彼教中士人約計二三十
人

農現在各莊均皆耕牧為生約計二千有餘人

工僅水匠二人鐵匠三人

商本境無牽車服賈之人他境亦無富商大賈至止

地理

本境在省城南偏西相距省治一千三百一十里

縣署在喀喇工在府城西南

典史衙署在縣署大門內偏西

遊擊署在蒲昌城縣治東五百餘里

千總署在縣署之西偏相距半里許今千總遊擊移駐

此

街道在縣治南稍東有人家四十餘戶均茅房草舍
本境四界北界吐魯番南抵大戈壁東抵塔羌西抵輪
台縣西南抵庫車東北抵吐魯番屬桑樹園西北抵焉
耆

本境分十八莊克宜爾莊在治西北四十里窮可力莊
河拉莊特以斯上下克拉莊英格可力莊烏魯可力莊
克斯拉克莊蒲昌城莊以上各莊在治東五百餘里鐵
干里克大小五莊在治東北五百里東河灘所屬滿加
莊拉日立希莊沙羅達莊卡哈免莊蘇及克莊均在西
南六百餘里本境城莊並無古蹟坊表治前東二里有
龍王廟猛將軍廟距治七百里蒲昌城有關帝廟城隍
廟距城西北四十里有二道橋相傳橋上有仙風清月
明之夜橋上有人如所畫八仙像行道之人多見之未
知確否此外係獨木小橋以免病涉云
飲馬河即孔雀河相傳定遠侯飲馬於此後有孔雀飛

集河畔樹林中故呼孔雀河云

茂林園前遊擊安徽黃桂芳造修後知縣劉國祉續蓋
上房四楹三四月間綠柳成陰棗花吐蕊香芳襲人登
樓遠望渠水潺潺不覺心曠神怡令人有涉遠江湖之
想

山本境南面有一帶行崗即天山過脈處逶迤百數十
里出吐魯番以達哈密走沁城子伏行地中經千餘里
至青山頭復出

水葉爾羌河又名塔里木河在治西千餘里自葱嶺河
發源有兩源一出葱嶺一出于闐河流與葱嶺河合東
流經拜城二十餘里入渭干河又東南流迤湧水崖沙
磧逾拜城賽里木河之西南過沙雅爾城北折而東入
於境百數十里一抵小羅布淖爾又東流千餘里至婁
羌縣潞於羅布淖爾伏行地中數千里南出積石入於
河

英氣蓋河受葉河水入境七百餘里流入縣屬河拉驛

注塔羌達羅布淖爾

胛干南河源於穆素爾河西南流經瑚斯圖托海又南經圖巴拉特又東南流經湧水崖戈壁北又經拜城西南流入赫色爾崖入境二百里流於東河灘達於河拉莊注塔里木河尾閘入於塔羌瀦於羅布淖爾

胛干河在胛干南河之北上游名恰陽河下游名英氣蓋河隨地異名分兩支一名鐵底里河一名哈喀雅斯河達於縣屬窮克力莊注於夜密蘇莊達於塔羌入於

羅布淖爾

孔雀河源自開都河東北流瀦為大澤曰博斯騰淖爾又西南行五里折而入山經哈爾喀滿溝注庫爾勒四十里至克宜爾入境逾縣治喀喇工注孔雀河橫經數百里經鐵干里克莊達塔羌入羅布淖爾至於渠道並無大渠均就河邊決口引水溉地係溝澮而已

道路

自本境治地起經北四十里踰克宜爾又四十里至焉

者府屬庫爾勒界止治東二十里渡孔雀河刻木為舟
可容十餘人如台灣之舢舨也又百里達河拉驛與東
湖灘之路會又三百里至合什墩又二十里至鐵干里
與吐屬桑樹園路會又東八十里經蒲昌渡河七十里
至鐵里木河界止北岸屬新平南岸屬塔羌由治東行
一百三十里經河拉莊折而西逾草湖四百餘里至東
湖灘界止由治東行四百三十里至合什墩又二十里
至鐵干里克折而北走四百餘里至吐屬之桑樹園

查新平四野砂磧道無歧徑水無港汊人行大路而走
一直千數百里中無支路可分可合

物產

動物

牛馬羊燕雀鴻雁在在所有非物產也亦有虎狼野豬
山羊惟野豬大害莊稼纏民以槍擊之棄而不取彼教
禁豬故也

製造牛毛羊毛紡織成線以織口袋或褐子亦不甚多

骨角則棄之不知造作

植物

五穀小麥稻米菜子苞谷

瓜菓西瓜南瓜白菜蘿卜芥菜

樹木沙棗柳樹梧桐白楊惟梧桐一種非內地集鳳之

梧桐此則不拱把即已中空不值工師之求纏語柴大

曰梧桐蓋為僅供爨下材耳

礦務 無

商務

地瘠民貧尚無商務

新平縣城鄉禮俗一覽表

冠 無

昏

交央歌先男家請媒說合即定親之謂也 唸擬恰即
禮云合昏 達尊即男女回門之義

喪祭

淨身父母臨故須請明經之人用水將死者淨洗
裹殯用白布收屍週身包裹即殯殮之意

散尼牙即請客及施舍之意以期死者起昇
蓄髮戴白或五十日及百日即除凶就吉

賓

會食抓飯凡遇度歲過節以及紅白事故用牛羊肉和
大米做成米飯大盤托出賓朋用手抓食名曰抓飯
俱浪宴會時多邀聚年少婦人彈琴擊鼓令婦手舞足
蹈按板歌唱名曰俱浪即漢人演戲之意

宗法

分產無論男女均可勻分家財不以為怪

縣治百姓土著客籍均係纏回文字教化不同禮節
風俗亦異男子自幼成人從無冠昏姻有由父母主
者有由自主者初時男家請媒說合名曰交央歌迎
娶之日夫家接得新婦到門宰殺牛羊遍請親朋會
食隨毛拉三人即漢語讀書之士也用鹽少許和以
冷水半盞攪勻分作兩杯唸經已畢令男女各飲一
半名曰擬恰即漢人交杯合盞之義也後至十日或
半月男女同往女家省視名曰達尊即漢人男女回
門之意也喪禮父母去世即請唸經一人將死者用
水洗淨以布帛週身包裹即漢人殯殮之意埋葬三
日後宰殺牛羊和米做飯遍請新隣名曰散尼牙即
漢人請客及施捨之意也蓄髮戴白或五十日百日
然後釋凶從吉忌日祭祀素無是禮賓朋往來從無
酒席貧富祇以牛羊肉做飯用手抓食名曰抓飯城
鄉禮俗均同駐防土司素無



古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室